

განმარტებითი ბარათი

საკრებულოს დადგენილების პროექტზე.

„ხონის მუნიციპალიტეტის 2025 წლის ბიუჯეტის დამტკიცების შესახებ“

ზოგადი ინფორმაცია დადგენილების შესახებ:

დადგენილების მიღების მიზეზი:

დადგენილება მომზადებულია საქართველოს ადგილობრივი თვითმმართველობის კოდექსის 24-ე და 91 მუხლების შესაბამისად და განსაზღვრავს 2025 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

პრობლემა რომლის გადაჭრასაც მიზნად ისახავს დადგენილება:

საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

არსებული პრობლემის გადასაჭრელად დადგენილების მიღების აუცილებლობა:

საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად მუნიციპალიტეტის ბიუჯეტის დამტკიცების შესახებ დადგენილების პროექტის მუნიციპალიტეტის აღმასრულებელი ორგანოს მიერ მომზადება და მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

დადგენილების პროექტის მოსალოდნელი შედეგი:

„საქართველოს საბიუჯეტო კოდექსის“ 77-ე მუხლის შესაბამისად, 2025 წლის მუნიციპალიტეტის ბიუჯეტის შემოსულობების, გადასახდელების და ნაშთის ცვლილების დამტკიცება.

ა.გ) დადგენილების პროექტის ძირითადი არსი:

ძირითადი მაკროეკონომიკური მაჩვენებლები

ხონის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2025-2028 წლების ძირითადი ეკონომიკური და ფინანსური ინდიკატორების საბაზო მონაცემების (2025 წლის სახელმწიფო ბიუჯეტის შესახებ კანონპროექტის თანდართული მასალები) მიხედვით 2025 წლისთვის ნომინალური მშპ-ს ზრდის ტემპი განსაზღვრულია 8.7 პროცენტით.

აღნიშნულიდან გამომდინარე მუნიციპალიტეტის 2025 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 1551 მუხლის 2-ე პუნქტის მოთხოვნებს.

ბიუჯეტის პარამეტრები

საგადასახადო შემოსავლები

საგადასახადო შემოსავლების საპროგნოზო მაჩვენებლები საქართველოს საბიუჯეტო კოდექსის 77-ე მუხლის 6-ე და 6¹-ე პუნქტების გათვალისწინებით შეესაბამება საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს.

სულ საგადასახადო შემოსავლების პროგნოზი შეადგენს 11051.7 ათას ლარს.

➤ **დამატებული ღირებულების გადასახადიდან** 2025 წელს პროგნოზირებული მისაღები შემოსავალი შეადგენს 11352,6 ათას ლარს. 2024 წლის დაგეგმილი შემოსავალი შეადგენს 9705,2 ათას ლარს. 2025 წლის გეგმა იზრდება 1647,4 ათასი ლარით (16,98 %-ით).

➤ **ქონების** გადასახადის 2025 წლის საპროგნოზო მაჩვენებელი შეადგენს 600,0 ათას ლარს; 2024 წლის ქონების გადასახადის პროგნოზი შეადგენს 450,0 ათასი ლარს. 2025 წელს ქონების გადასახადის პროგნოზი 2024 წლის გეგმასთან შედარებით გაიზარდა 150,0 ათასი ლარით. ზრდა 33,3 %.

➤ **გრანტები დელეგირებული უფლებამოსილების განხორციელებისათვის.** დაგეგმილი მაჩვენებლები (მიზნობრივი ტრანსფერი) 2025 წელს განისაზღვრება 175,6 ათასი ლარით. 2024 წლის

მიზნობრივი ტრანსფერით ფინანსდება 175,6 ათასი ლარით. გამოყოფილი თანხა განკუთვნილია ა(ა)იპ ხონის მუნიციპალიტეტის ჯანდაცვის ცენტრისათვის.

საერთაშორისო ორგანიზაციებიდან მიღებული გრანტი.

ევროკავშირის დაფინანსებით მიღებული გრანტის თანხა 2025 წლისათვის შეადგენს 815,0 ათას ლარს.

2025 წელს არასაგადასახადო შემოსავლების გეგმის პროგნოზი შეადგენს 540,0 ათას ლარს.

არასაგადასახადო შემოსავლებიდან მისაღები თანხები სახეების მიხედვით შემდეგია:

- შემოსავლები საკუთრებიდან განსაზღვრულია 240,0 ათასი ლარის ოდენობით.
 - დეპოზიტებზე და ანგარიშებზე დარიცხული პროცენტები 40,0 ათასი ლარი.
 - რენტა - 190,0 ათასი ლარი.
- შემოსავლები საქონელისა და მომსახურების რეალიზაციიდან განსაზღვრულია 130,0 ათასი ლარის ოდენობით, მათ შორის:
 - მოსაკრებელი მშენებლობის ნებართვაზე 40,0 ათასი ლარი.
 - ადგილობრივი მოსაკრებელი დასახლებული ტერიტორიის დასუფთავებისათვის 40,0 ათასი ლარი.
 - შემოსავალი შენობებისა და ნაგებობების იჯარაში ან მართვაში (უზურფრუქტი, ქირავნობა და სხვა) გადაცემიდან 50,0 ათასი ლარი;
- შემოსავლები სანქციები, ჯარიმები და საურავებიდან განსაზღვრულია 110,0 ათასი ლარით.
 - შემოსავალი სანქციებიდან (ჯარიმები და საურავები) ადმინისტრაციული სამართალდარღვევების გამო 110,0 ათასი ლარი.
- ტრანსფერები რომელიც სხვაგან არ არის კლასიფიცირებული განსაზღვრულია 60,0 ათასი ლარის ოდენობით, მათ შორის:
 - მიმდინარე ტრანსფერები, რომელიც სხვაგან არ არის კლასიფიცირებული 60,0 ათასი ლარი. შემოსავლის ძირითად წყაროს წარმოადგენს კონტრაქტორი კომპანიების მიერ ხელშეკრულების პირობების დარღვევის გამო დაკისრებული ჯარიმა.

• არაფინანსური აქტივების კლების (პრივატიზაცია: მუნიციპალიტეტის საკუთრებაში არსებული ქონების) სახით მისაღები თანხების გეგმა შეადგენს 1852,8 ათას ლარს.

სულ ბიუჯეტის საშემოსულობების ნაწილი განისაზღვრა 15336,0 ათასი ლარის ოდენობით.

მუნიციპალიტეტის ბიუჯეტის გადასახდელები

2025 წლის მუნიციპალიტეტის ბიუჯეტის გადასახდელების მოცულობა შეადგენს 14839,0 ათას ლარს (2024 წლის დამტკიცებულ გეგმასთან შედარებით გაზრდილია 1112,3 ათასი ლარით).

ბიუჯეტის ზრდის ძირითადი ფაქტორია:

- მუნიციპალიტეტი 2025 წელს მიიღებს მეტ საგადასახადო შემოსავლებს, არაფინანსური აქტივებიდან გაზრდილ შემოსულობებს, ასევე ევროკავშირის გრანტით დაფინანსება.

2025 წლის მუნიციპალიტეტის ბიუჯეტის ხარჯვით ნაწილში ასახულია დამატებითი ხარჯები ისეთი მიმართულებებით, როგორიცაა მუნიციპალიტეტის მიერ დაფუძნებული ა(ა)იპ სუბსიდირების გაზრდა. ძირითადად გაზრდილი დაფინანსება მოხმარდება მუნიციპალური ა(ა)იპ -ის თანამშრომელთა ხელფასების ზრდას 10%-ის ოდენობით.

პრიორიტეტების მიხედვით გათვალისწინებულია:

- ინფრასტრუქტურის განვითარება - 975,0 ათასი ლარი; მათ შორის:

პრიორიტეტების მიხედვით გათვალისწინებულია:

- ✓ საგზაო ინფრასტრუქტურის განვითარება - 40,0 ათასი ლარი;

საგზაო ინფრასტრუქტურის განვითარების პროგრამის ფარგლებში განხორციელდება ხონის მუნიციპალიტეტში არსებული საავტომობილო გზების რეაბილიტირება. მუნიციპალიტეტის ქუჩების ზოგიერთი ნაწილი საჭიროებს კაპიტალურ რეაბილიტაციას, ასევე, მიმდინარე შეკეთებით სამუშაოებს. მუნიციპალიტეტში საგზაო მოძრაობის ხარისხის გაუმჯობესებისათვის საჭიროა საგზაო ინფრასტრუქტურის ეტაპობრივი მოწესრიგება. მოხდება საგზაო ნიშნების მოწყობა. გაიწმინდება თოვლის საფარისგან. გამოყოფილი თანხით მოხდება სპეც ტექნიკის შესყიდვა საგზაო, სანიაღვრე ინფრასტრუქტურის მოწესრიგების მიზნით

მუნიციპალიტეტში ინფრასტრუქტურული სამუშაოების აბსოლუტური უმრავლესობა ფინანსდება სახელმწიფო ფონდების დაფინანსებით. მთავრობის განკარგულებით გამოყოფილი თანხის ასახვა ხდება მიმდინარე საბიუჯეტო წელს. შესაბამისად განხორციელდება ბიუჯეტში ცვლილებები და აისახება 2025 წლის ბიუჯეტში. მუნიციპალიტეტის საკუთარი შემოსავლებიდან წილი ძალიან მცირეა.

- ✓ გარე განათება -350,0 ათასი ლარი;

დამის პერიოდში მუნიციპალიტეტში, უსაფრთხო და კომფორტული გარემოს შექმნისთვის მნიშვნელოვანი ადგილი უკავია გარე განათებას. შესაბამისად საჭიროა მუნიციპალიტეტის ტერიტორიაზე არსებულის გარე განათების ქსელის გამართული ფუნქციონირება, მისი პერიოდული შეკეთება. დღეის მდგომარეობით მუნიციპალიტეტის ტერიტორიაზე გარე განათების ქსელი ფუნქციონირებს ქ. ხონში და მუნიციპალიტეტის ადმინისტრაციულ ერთეულში (დასახლებულ პუნქტში). ქვეპროგრამის ფარგლებში დაფინანსდება გარე განათების არსებული ქსელის ექსპლოატაცია, რომელიც მოიცავს შემდეგ ღონისძიებებს:

გარე განათების ქსელის მიერ მოხმარებული ელექტროენერგიის ხარჯის ანაზღაურებას 350.0 ათასი ლარი.

დასუფთავება და გარემოს დაცვა. 1560,0 ათასი ლარი.

- ხონის მუნიციპალიტეტში დასუფთავების ღონისძიებების განხორციელება ერთ-ერთ მნიშვნელოვან პრიორიტეტს წარმოადგენს. პროგრამის ფარგლებში ფინანსდება ხონის კომუნალური სერვის ცენტრი 1220,0 ათასი ლარით. მუნიციპალური სასაფლაოების მოვლა პატრონობა 210,0 ათასი ლარით. ადმინისტრაციული შენობების მოვლა დასუფთავება 80,0 ათასი ლარი. ნაგვის ურნების შესყიდვა 50,0 ათასი ლარი.

კეთილმოწყობის ღონისძიებები 430,0 ათასი ლარი.

- ქალაქის ტერიტორიაზე არსებული სკვერების მიმდინარე მოვლასთან დაკავშირებული ხარჯები.
- მუნიციპალიტეტის ცენტრის იერსახის კეთილმოწყობა.

- განათლება. 3149,0 ათასი ლარი. პრიორიტეტის ფარგლებში ხორციელდება მუნიციპალიტეტში სკოლამდელი და არაფორმალური განათლების ხელშეწყობა.

➤ **სკოლამდელი განათლება - 2590,0 ათასი ლარი;**

ხონის მუნიციპალიტეტის ერთ-ერთ ძირითად პრიორიტეტს წარმოადგენს, მუნიციპალიტეტში მცხოვრები ბავშვების ასაკის ზღვებისათვის სკოლამდელი აღზრდის დაწესებულებების ხელმისაწვდომობა. დღეის მდგომარეობით ხონის მუნიციპალიტეტის ტერიტორიაზე ფუნქციონირებს 20 სკოლამდელი აღზრდის დაწესებულება სადაც სააღმზრდელო პროცესს გადის 500-მდე ბავშვი. ბავშვებში ჯამში დასაქმებულია 267 პერსონალი. 2024 წელთან შედარებით დაფინანსება გაზრდილია 275 ათასი ლარით. გაზრდილი თანხა დაიხარჯება პერსონალის შრომის ანაზღაურების ზრდისა და გაუმჯობესებული კვების ხარჯების დასაფინანსებლად.

არაფორმალური განათლების მხრივ მუნიციპალიტეტს დაფუძნებული აქვს სამი ა(ა)იპ-ი. 2025 წელს დაფინანსება შეადგენს 559,0 ათას ლარს. მრავალპროფილიან საგანმანათლებლო-სააღმზრდელო დაწესებულებებს, რომლებიც თავისი სტრუქტურით მრავალი მიმართულებით ემსახურება 6 წლიდან ბავშვებს, მოზარდებსა და ახალგაზრდებს. დაწესებულებებში სასწავლო-აღმზრდელობითი სამუშაოების ძირითად ფორმას წარმოადგენს საწრეო, სტუდიური და საკლუბო სამუშაოები სადაც ძირითადად ხორციელდება არაფორმალური განათლების მიღება, რომელიც მიზნად ისახავს ბავშვის უნარ-ჩვევების, კომპეტენციების, ღირებულებების განვითარებასა და ჩამოყალიბებას არაფორმალურ, ბუნებრივ გარემოში, სადაც ბავშვებს უქმნიან მოტივაციას, იმოქმედონ და ისწავლონ საკუთარი ინტერესების მიხედვით. 2025 წელს შენარჩუნდება ყველა პროგრამა რომელიც ხორციელდებოდა 2024 წელს.

➤ **კულტურა, რელიგია, ახალგაზრდობა და სპორტი - 2138,0 ათასი ლარი.**

მუნიციპალიტეტი განაგრძობს კულტურული ღონისძიებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება, ასევე ახალგაზრდებში ცხოვრების ჯანსაღი წესის წახალისების მიზნით გასატარებელი ღონისძიებების ჩატარება.

კულტურა, ახალგაზრდობა და სპორტის პრიორიტეტის დაფინანსებისათვის 2025 წელს განისაზღვროს 2123,0 ათასი ლარით. კულტურა, ახალგაზრდობა და სპორტის პრიორიტეტის ფარგლებში დაფინანსებული პროგრამების და ქვეპროგრამების მიზნები და მოსალოდნელი შედეგები განისაზღვროს შემდეგი რედაქციით:

სპორტის სფეროს განვითარების მიზნით გამოყოფილია 510,0 ათასი ლარი, გასულ წელთან შედარებით ზრდა 40 ათასი ლარი. ქვეპროგრამის ფარგლებში ფუნქციონირებს ა(ა)იპ ხონის სასპორტო სკოლა, რომლის დაფინანსება 2025 წელს შეადგენს 460,0 ათას ლარს. სასპორტო სკოლაში ხორციელდება 10 სპორტულ მიმართულების სწავლება, ესენია: ფეხბურთი (70 ბავშვი); თვისუფალი ჭიდაობა (78 ბავშვი); რაგბი (18 ბავშვი) კალათბურთი (45 ბავშვი) კიო-კუშინ კარატე (10 ბავშვი) კარატე (40 ბავშვი) კრივი (12 ბავშვი) მძლეოსნობა (45 ბავშვი), ჭადრაკი (12 ბავშვი); ძალოსნობა (15 ბავშვი) გოგონათა ფეხბურთი (17 ბავშვი). სულ ცენტრში სპორტის სხვადასხვა სახეობებს ეუფლება 365 ბავშვი, სასპორტო სკოლის აღსაზრდელები პერიოდულად გადიან სპორტულ შეკრებებს, მონაწილეობას ღებულობენ სპორტულ შეჯიბრებებში და ტურნირებში. 2025 წელს შენარჩუნდება ყველა პროგრამა, რომელიც ხორციელდებოდა 2024 წელს.

გარდა სასპორტო სკოლისა მუნიციპალიტეტის კულტურისა და სპორტის სამსახური ანხორციელებს სპორტის პოპულარიზაციასა და სხვადასხვა სპორტულ აქტივობებს. ორგანიზებასუწევს მუნიციპალიტეტში მიმდინარე სპორტთან დაკავშირებულ საკითხებს. ამ მიზნით გამოყოფილი არის 50,0 ათასი ლარი.

➤ კულტურისა და ხელოვნების სფეროს განვითარების მიზნით მუნიციპალიტეტი ანხორციელებს სამხატვრო სკოლის, მუზეუმის, ბიბლიოთეკების, სამუსიკო სკოლის, თეატრისა და ახალგაზრდული ღონისძიებების მხარდაჭერას. უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტი ამ ხრივ 2025 წელს გამოყოფს 1135,0 ათას ლარს. რაც 2024 წელის საწყის ბიუჯეტზე 143,0 ათასით მეტია.

➤ 2025 წელს სხვადასხვა კულტურული ღონისძიებების განხორციელებისათვის გამოყოფილი დაფინანსება შეადგენს 260,0 ათას ლარს. რაც ძირითადად მოიცავს სადღესასწაულო დღეებში კულტურული ღონისძიებების ორგანიზებასა და განხორციელებას. სხვადასხვა გასართობი და სანახაობრივი ღონისძიების მოწყობასა და სხვა პროგრამებს.

➤ რელიგიური ორგანიზაციების ხელშეწყობის მიზნით დაფინანსება განსაზღვრულია 150,0 ათასი ლარით.

საინფორმაციო უზრუნველყოფის მხარდაჭერა ფინანსდება 53,0 ათასი ლარით. ქვეპროგრამის ფარგლებში ფინანსდება გაზეთი „ხონი“-ს გამოშვება თვეში ორჯერ. თითოეული გამოშვების ტირაჟი შეადგენს 500 ცალს.

✓ **მოსახლეობის ჯანმრთელობის დაცვა და სოციალური უზრუნველყოფა- 1299,2 ათასი ლარი.**

✓ **საზოგადოებრივი ჯანმრთელობისა და უსაფრთხო გარემოს უზრუნველყოფა - 175,6 ათასი ლარი;**

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება; · დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; · მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა. ამ მიმართულებით მუნიციპალიტეტში ფუნქციონირებს ა(ა)იპ ხონის საზოგადოებრივი ჯანდაცვის ცენტრი.

სოციალური უზრუნველყოფის პროგრამის ფარგლებში დაფინანსებული, პროგრამების და ქვეპროგრამების 2025 წელს გამოყოფილი თანხა შეადგენს 776.6 ათას ლარს

სოციალური პროგრამები

შ.შ.მ პირებთან დაკავშირებული ღონისძიებებისათვის გამოიყო 24,0 ათასი ლარი. თანხა დაიხარჯება მუნიციპალიტეტში მოქმედი 2 დღის ცენტრის ფუნქციონირებისათვის.

მრავალშვილიან ოჯახებზე ერთჯერადი ფულადი დახმარების პროგრამა 14,0 ათასი ლარი.

100 და მეტი წლის ასაკს მიღწეული პირების ერთჯერადი ფულადი დახმარების პროგრამა 0,5 ათასი ლარი.

სამედიცინო მომსახურების ხარჯების დაფინანსების/ თანადაფინანსების პროგრამა 300,0 ათასი ლარი.

ავთვისებიანი სიმსივნით დაავადებული პირების სამედიცინო მომსახურების დაფინანსება/ თანადაფინანსების პროგრამა 160,0 ათასი ლარი.

დიალიზი და თირკმლის ტრანსპლანტაციის" სახელმწიფო პროგრამას დაქვემდებარებულ ბენეფიციარებზე ყოველთვიური ფულადი დახმარების პროგრამა 35,6,0 ათასი ლარი.

მშობელთა ზრუნველობამოკლებულ 18 წლამდე ასაკის ბავშვების მეურვეზე/მზრუნველზე და 18 წლის პირზე, რომელსაც ყავდა მეურვე/მზრუნველი ფულადი დახმარების პროგრამა " 21,9 ათასი ლარი.

მარტოხელა მშობლის ერთჯერადი ფულადი დახმარების პროგრამა 22,0 ათასი ლარი.

ომის ვეტერანებისა და მასთან გათანაბრებული პირების ერთჯერადი ფულადი დახმარების პროგრამა 35,0 ათასი ლარი.

საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების დროს დაღუპული პირების ოჯახების ერთჯერადი ფულადი დახმარების პროგრამა 6,0 ათასი ლარი.

შშმ პირის სტატუსის მქონე ბენეფიციართა დახმარების პროგრამა 100,0 ათასი ლარი.

სახელმწიფო მზრუნველობიდან ბიოლოგიურ ოჯახში რეინტეგრირებული ბავშვების ოჯახების ერთჯერადი ფულადი დახმარების პროგრამა 3,0 ათასი ლარი.

ოჯახში ძალადობის მსხვერპლის სტატუსის მქონე პირის ბინის ქირით უზრუნველყოფის პროგრამა 0,7 ათასი ლარი.

გარდაცვლილი იძულებით გადაადგილებული პირის ოჯახის წევრზე ერთჯერადი ფულადი დახმარება 6,0 ათასი ლარი.

წყალმომარაგების ხარჯების ყოველთვიური თანადაფინანსების პროგრამა 32,5 ათასი ლარი.

ცელიაკით დაავადებული ბავშვების ყოველთვიური ფულადი დახმარების პროგრამა 6,0 ათასი ლარი.

სოციალურად დაუცველ პირებზე, რომლებსაც შეეძინათ პირველი შვილი ერთჯერადი ფულადი დახმარების პროგრამა 10,0 ათასი ლარი.

შეჭირვებული მოსახლეობის უფასო კვებით უზრუნველყოფის მიზნით მუნიციპალიტეტში ფუნქციონირებს უფასო სასადილოები სადაც ყოველდღიურად დაახლოებით 260 ბენეფიციარი იღებს უფასო საკვებს. 2025 წელს მუნიციპალიტეტის მიერ გამოყოფილი დაფინანსება შეადგენს 375 ათას ლარს.

- მუნიციპალიტეტში ეკონომიკური განვითარების მიზნით მიმართული სხვადასხვა ღონისძიებების დაფინანსებისათვის 2025 წელს გამოიყო 870.0 ათასი ლარი.
თუიშმართულობის ქონების დცვა რეგისტრაცია დ შეფასება 25,0 ათასი ლრი.
ტურიზმის განვითარების ხელშეწყობა 30,0 ათასი ლრი.
მუნიციპალიტეტის ინტეგრირებულ ტერიტორიულ განვითარება 815.0 ათასი ლრი

➤ **მმართველობა - 4955.4 ათასი ლარი**, პრიორიტეტის ფარგლებში განხორციელდება წარმომადგენლობითი და აღმასრულებელი ორგანოების დაფინანსება. ამავე პრიორიტეტიდან ფინანსდება ისეთი ხარჯები, როგორიცაა მუნიციპალიტეტის საკანონმდებლო და აღმასრულებელი ხელისუფლების საქმიანობის უზრუნველყოფა, საჯარო მოხელეთა კვალიფიკაციის ამაღლების ხელშეწყობა, ბიუჯეტის სარეზერვო ფონდი, მუნიციპალიტეტის ვალდებულებების (სესხები, სასამართლო გადაწყვეტილებები) მომსახურება. პრიორიტეტი ასევე ითვალისწინებს, გენდერული თანასწორობის ხელშეწყობას.

ხოლის მუნიციპალიტეტის საკრებულო 1449,9 ათასი ლარი.

- ხოლის მუნიციპალიტეტის მერია 3470,5 ათასი ლარი.
- საჯარო მოხელეთა კვალიფიკაციის ამაღლების ხელშეწყობა 20,0 ათასი ლარი.
- გენდერული თანასწორობის ხელშეწყობა 15,0 ათასი ლარი.
- მუნიციპალიტეტის სარეზერვო ფონდი 200,0 ათასი ლარი.
- წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 100.0 ათასი ლარი.
- მუნიციპალიტეტის ვალდებულებების მომსახურება და დაფარვა(მუნიციპალური განვითარების ფონდიდან მიღებული ..დაფარ) 61.4,0 ათასი ლარი.

„ ხოლის მუნიციპალიტეტის 2024 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2025-2028 წლები);
2. ინფორმაცია 2024 წლის 9 თვის შესრულების შესახებ;
3. ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ;
4. კაპიტალური ბიუჯეტის დანართი;
5. ინფორმაცია აიპიების შესახებ.

დადგენილების ავტორი

ხოლის მუნიციპალიტეტის საფინანსო-საბიუჯეტო სამსახური

დადგენილების ინიციატორი

ხოლის მუნიციპალიტეტის მერი